

朱太復乙集

朱太復乙集卷之卅六

五湖朱長春太復著

尺牘

丁酉 計十六首

與張君給乞柳

常憶故遊辟疆園池上垂楊娜娜繫人懷野人釣
碣邊新開一小沼當得有此物幸許折數條挿之
如對故人當年一觴白衣相過五柳先生也

復黃貞父

朱太復乙集人續卷之卅六

一

二百三十九

今日天下事唯有痛哭大盜至矣主人晏然滿廷
百口逆耳不入澤畔棄民能如何寸心萬結無路
一剖且當付黃庭叅同兀坐銷之耳所患赤丸飛
着人何所名山是武陵路也憂切眼中豪傑不多
計足下故是隆中人尚未薰進賢長喙抱膝何用
世之不幸耶僕不善設墓勉承屬筆以賢者為徵
又采本佳耳羅君彥士篤孝不得洗酌一談酬詩
寫寄茗上扁舟日佇之

言朱君采

別不謂之下為祝融作難驚心火南正也
主上竄炎方而足下假歸送火運作祟耶一咲遷
客搗額天復虐焦爛柰何同病傷不已已聞公府
見存主人辭無衣冠僕筓簏都在市廬昨遣婦出
檢得羅衣一襲都下新製未試可暫代匱

復黃貞父

隱安用文為貞父強我比鸚鵡能言可爾問官耶
官

上予之上奪之豈同鄉里小兒稱謂浪呼無已以

前銜弁道民如所書鐫之然羽客隱人當掩袂長
唾菰蘆滿南湖似可遊新麥作麵和鮑羹以候足
下

與茅薦鄉

昨遊集殊樂道人亦不知所至飲腸忽開神自善
同味耶歸道舍懸燈成詩一篇斗橫矣晨理小坐
畢被髮書草奉去亂言無太康唯兩人各自知心
要亦古道耳山中有薇蕨允兆何日過枕漱相對
別自風致天能有夏無冬乎貴人豪舉不欲受此

冷淡已矣

荅茅薦鄉

昨故鄆行體小惡損食方禁足下開謝客時在夫
後陽浮難下政當靜調之足下教良是且不曰士
固當使人聞多見少要以德業自有知但患無立
無患毀譽也董侯亦自軼才惜戴進賢冠時口唱
阿子歌耳夷不亂華鄭不入雅文士當猛省

致允兆翁晉晉叔

一時風騷在吾里昨集甚足賞隱谿山川供亦不

分大後乙集 片 卷之三 三
惡白雪道人停白雪吟久久對此覺不得無言先
倡一章情高和佇丘園為群公發色耳允兆方遠
遊末寄諷一翁晉都雅爽逸如闌池隻玉生自珍
貴欣過所聞三徑都無俗物允地即去二仲無妨
數數

與吳翁晉

別後道民廿四日入關結夏高人即命駕雖有瞻
閣山水如無酬答玄言何和章澗澗正音錢劉之
上岑李之間今吾夢遊開寶時矣老馬識道不善

昔善審音肯造飲林中再一發響令寫雌雄六六
吟乎甚佳企之

與沈仲禎

入關將一月疾風迅雷莫不蠢然寧復知人間事
書云諫草生香忽爽我心昨送友人詩憂世不願
狂言驗足下二十年素交見此肺肝耳天下多節
士豪傑不至令滄浪掘泥第想武陵桃花谷不知
何處奈何作計大布政宜縫衲稽謝德施容道人
着此穩坐蒲團便受世中清福一生

寄陳公衡南比部年元

發狂被罪乃喜遂初吳興谿山佳秀隱居氣當勝
處隱人亦自無惡野巾道服儵然覺比湘潭人枯
稿勝耳民足不入市門幾無人學道五六年自不
知得但覺活人心死男子結胎此是何地位足下
試品之道民起居眠食都不關人帶瓢攜杖可一
行脚徧五嶽鐘山牛首如門外耳耳足下說衛生
不難獨牽子小恩愛一闕未破他無念也足下舉
子未願問流傳江苑相願同心耳

復黃貞父

閉關過永夏輒病瘡出關乃已以知道緣未進俗
緣勝也秋漸涼政想西湖集芟荷可招山中人同
之足下亦有此相思僕行已刻吳興南湖窠落不
及西湖足下可無駕二十邊靈鷲山三生石上當
得待月一談病後不盡

謝守道張鳳梧公

臺下之賜數頒民數引謝臺下大賢也道交義施
民豈無知而冒溝壑乎

嚴主命安為庶衆民罪終無豁時此禮亦無渝日
駿儀彌沃皇恐彌深伏草九頓謝反將使冀終德
愛仰荷相成幸甚罪甚

復盧外翁

外父始壽當領婦上觴以言代躬為田野民輕難
入城莫自謝耳白頭壻褊韞著褐佐兩小舅舞彩
勸酒食此則樂事何緣坐受犒具道人齋日無所
用賜腥以啖婦子黃口不至齟黃蓋耳村僻襟襟
不到關中大靜道趣日勝但充腹一事自累伏日

不作元亮企脚作禦寇執爨非道力不憂死歎死
必當灸死

與茅薦卿

道人無情對有情者生情昨河畔足下感慨論兵
歸因成小章亦知足下定有作來詩首尾清越是
唐人中聯怯耳子美秋興非至言為涉堆梁足下
秋居更自遠放其對杖精嚴氣韻高壯仰攀少陵
俛攜大曆年來風氣上便至此稍少開闔變動立
未與權百尺一步時也火到自熟

答朱君采

非在同臭同病誰念山中寒寂深感道民市井草
菜無之不可婦熟田家樂不願入城領其意足助
接輿梁鴻便覺儵然此魚山當鹿門也仲冬一單
衣爐中無炭常紅故人不勞念厚餉似非吾等淡
味欲謝恐又增障且道人絕飲多齋餌食大宜敬
為故人一飽

答茅孝若

隱人唯恐不藏名吾師固受牛馬僕何計焉夷氣

國殤可令壯士夜舞如隱民但賦漁父不知復吟
梁甫也世棄君子安得不棄世獨念足下弱冠請
纓竟抱雄腸歸伏恭吾為當世發一長嘆若孝若
既知不吊而慶僕無容舌矣北山著書大佳事特
角之任道人不能吳翁晉一會定交自是我輩可
人既足下歸想得數數

答陸爾厚

道人為造物敢逼棄門賣穀買木結淨居谿水西
日日署將作雪夜山陰之船相思輒阻足下書到

知興亦同足下苦尚平債道人兒女長財遠膝坐
礙遠遊如一議婚嫁竹杖在終南赤城間矣長松
政吾居所宜即此物如對松喬何重煩腆貺猶目
我衣帛飲酒人耶道一領布一盂飯了日夕矣伯
氏未悉耳竹几兀齋頭清物向足下愛其製附往
供賞

戊戌

計六百

與茅孝若

每賦招隱思足下緣仲氏葭草新結輒雜蘆蕩相

漫芳草潤道猶未破俗耶咲咲足下何日桂初白
鵲此山中故有流觴遺跡清泉白石磊磊大佳致
深曲近百武隨地席坐容數十人足下開浚之集
吾輩脩禱事崇山茂林寧渠下蘭亭蘭亭曾到平
平耳故知宇中何曾有勝地勝都緣人也僕今真
是髮僧已棄門移入淨居直為釋子絆吾行脚遲
歸名山要開白社無欠匡廬碧湖峴山故自佳託
今日唯付道民領之足下欲抱青蓮來種乎列坐
談逍遙猶是道人所欣也久廢吟昨接足下書忽

身大後乙集片卷二十一
興世感夜定得七言一章值歲除忘寄今遣往問
足下有廣武哭時引一卮酒歌滄浪林壑便當拭
兩白眼作一清嘯知會近不煩言

與茅薦卿

世俗婚姻論闊隘相當足下獨取肝膽相對今日
貧家女他日高門婦今日蔦松高托他日冰玉齊
稱是大幾幸耳願吾兩人風期豈以孔云加于既
翁哉心在車牽之五美解額得君家阿咸人人稱
佳不減叔政恐孝若未肯低首日來為興下足之

歎不知自何為懷何日計還載一鹽車坐前痛飲
耳東氣甚惡一世棄我何能為但憂眼中見戰鬪
亦自無可遣理

送茅薦鄉赴南水部

別來極為造物拘拘衣食仰人黃仲晦過云足下
行剋支離人不能送矣惆悵惆悵道人獨受
天威他無人患泉石芝朮自給故人不須念足下
出與人群人道善調之險于山川比更太行弱水
也記昔足下言南曹便于差使計時覲省意甚薦

善僕謂足下迫奉伯父命違顏服官服之者安之也數使則曠職守而召衆忌彩衣之戀來職之補兩者自昔誰能兼之哉幸高明存舊察之紆一襲向自製未裁久虛在笥非足下不堪共救改謹上送服官為裹人不孤物昨貞父許我矣兩人二十一年同袍交豈自謂貞父下哉唯足下命之監製熟芣一瓶可助人間服食腹稿已成送行詩手不能操翰容嗣寄

答楚客

文詞兩事喪世久矣僕獨醉夢千秋前故不求為
一世悅目下濃醪發狂安可進五齊嘗舊醪乎每
念侯門籍令人恨近代數豪遺腥爛人腸何得五
斗灰洗之僕守拙耳足下何假譽僕固不市譽也
逐客拈九歌不忍讀何著五悲佳篇未和恐發楚
聲

與丁長孺

玄栖酒間送耳唯恐長孺不為世容今世果不容
長孺耶不容何病古見君子抑丈夫欲用于世不

今容于世吾則終為長孺恨之伯和亦是白雲中
人吾杜機久矣尚不能信伯和豈有遺行耶別後
道民辟穀百二十日起居無恙動足如飛損貌益
神吾喪故吾足下今來相對如對野雀長松間非
復吳下阿儂道民小字也此逃耶有意耶民了不自知
吾南華師曰千歲厭世棄而上仙冲舉談何容易
即易者鬼仙之業長生家烏取焉長孺倘薄離騷
賦遠遊吾將期山澤之間乎一言逋人來長孺德
至是信友至是方今不為數足矣又道之其家冢

恨感在嗣君胥靡幾倍矣足下事事越俗如百尺
樓俗人不知可恨

與臧原勤乞樹

道人終年不出山懸想石門秀色時時到老翁山
園神遊也聞園栽花菓林竹蒨菱可觀且有佳實
四時足飽此即洞天丹府火棗交梨可稱曰臧大
人仙谷何必遠尋三島五嶽哉道人結一庵南湖
傍政唯事此娛只一丘三畝儘可蒔植年餘故已
林林少嘉種耳昔右軍以田里薦好向人遠乞種

子好事者稱為雅興不嫌齷齪老丈知我當同古
人况道棄門淨居禮奉太清紫氣閣中凡諸物色
半樂隱半樂神老丈捨數枝竹樹施作供養助成
勝事安知山中翁不作河上公謹遣蒼頭上請筠
席蒲兀山齋雅什可用附上何日下山出郡一舟
載二若泊小浮玉東望紫閣呼絳雪道人可應也
已斷穀清齋須佐醉何物雜筍及蒲山間空翠共
此淡薄春柑乎不富亮不俗

己亥

與朱雨化門生孝廉

孫甥言及下嚮州吾道幸幸羽翼護侶政賴
高賢然少年也旦暮青雲九霄何得結此白雲冷
淡綠耶登天門未如叩帝閣易耳抑習靜降心損
房撥務且為築基初地內存養生主外涉人間世
逍遙天遊遊未嘗有遊乎則道無乎不在也幸賢
者早服勿恃少年逝水不反用師十倍他日悔之
有故丹床坐園年許頗吉祥如意今送試倘有龍
神餘勇相攝護耶更二十年封萬戶侯始來問辟

穀更有黃舉丹鼎秘室相授俟之休糧五月餘無恙彌健有好頰報足下勿念

送沈性甫儀部

人言外迹微僕乃四大如無數欲作七行奉問不能也邇聞皇華北還甚慰鄙私人生隙景耳國爵故是長物假以立勲而天地間須此途出也忙商及艾矣朗識伉氣十未展二姑勉為蒼生一行名寶已加即勇退山中送道人逍遙可矣庖丁曰乃合養生固宜善刀而歲不宜藏刀無用也僕

請勸駕謂兼此理耳幸賜采納山中人不贈長
安客以足下知暱稍將寸草補是吳治佳物可服
也

寄馬函一

昨歲茅薦卿書郵不浮沉耶來不取荅耿耿金玉
如何世上事無與吾曹亦無須訊問相期末路獨
有黃庭一公案耳函一精進何若起居無他長春
入室功畢矣去年寒暑單衣不增不減今年休歇
辟穀復半歲過也初小癰後益敷腴天行不息常

應常靜動足如飛對語不竭里人初說中誘今指
為真仙出見師云形神俱妙宇泰天光意者此位
象耶道人亦不自知終日嘻嘻嗤嗤作兒子嬉所
謂不德無得也自此忘年天遊任之耳但足下絕
遠目前竟無侶伴何獨相知懷君為道更甚陽神
未出縮地無所柰何奈何家弟北寄一對談昨極
叨并謝推分

答同年徐養浩郡尉

放後三年空谷玄栖飛塵不到忽接魚書似從天

降四方眷眷高蓋憂大輿轅駒維谷志滿飲河固
無寧角巾瞻我傲山水間理為得也當此挹沅濯
足念及廢人良感此興追古小山道民非隱桂樹
且遊赤松矣無猶禦冬既歷四載茹松辟穀新決
五旬所未攜瓢度天台石梁有及膝穉子耳結茅
獨處履跡不踰百步安得縮地飛來陪平原豪飲
乎有日笙鶴向禹穴撰書遙呼故人問好在累累
耳

與鄭允昌

玄館蕭閑客至但吸蓮花清鼻耳遠公禁酒道人
斷穀足下既非赤松那得彭澤拂衣也畸于人者
故非可用人間世方病婦拮据治數品謝闕幸存
世意

與朱君采

足下道廣如太丘而像贊以屬畸人固當謂平日
披瞻相知耶聊系數言自許不阿但未悉盛美見
一斑耳固賢者不可測抑道人天眼未通耶安曰
人知貌我知心足下心宵謂知不知也道人近且

經遊第不交際二年美白蘋洲曲朱御史園勝趙
學士莊蓮花可得長一大不清風朗月或來相思
過橫塘歌田田相看尔道世外漫興世難拘我

庚子

計九首

與朱雨化孝廉門生

垂年再舉子是慰人間世道且以是了俗稱清淨
屬矣高賢道侶必為吾喜三都自紙貴詎以隱人
為重言年來且無言矣半生鏤心繡腸都後辟穀
中洗滌大靜今欲為足下召之非數日不來來且

吾清厓如主家無飯給蒼頭掉臂不服役計當
取三白一斗犒飲大醉乃呼之歲晏宿釀儲竭柰
何春湖或有載酒發興非遠

寄李弟太冲

世承三試文矣竟是輝教未鑿明去歲是子長禮
樂書也賢師意大真篤但開荒田士卒難見效耳
經師蒙師本自不可同昨年所以苗難今見世承
如此景象益難蹉跎敬承咕嚕吾任大半三六九
作課則全不相涉矣以不吃飯道人晨起便空腹

高聲授書此容易乎吾視子姪庭前樹一也世承
已長故急治標心無不一但欲無負吾一番辛苦
乃佳耳有便當以數行督誨之

淺陸爾摩

歲前送家季到吳門昇足下十日之歡足下方以
桃葉渡江留秦淮歌然布遂獨坐虎丘五日日飲
三泉三歌耳寺僧不相識紫雀一片錦邊索索那
况黃雀酒乎入春舍有新犢呱呱總總乘遠遊亦
不知白下還期得書并釀品飄然如宿把大白聯

唱石湖也。所欠故人字。知道人一年。碎數耶酒腸。
近頗開對山水。能盡數升方上已。樓遊碧巖提來。
三白一壺袖朱橋。數額浴清洲。竟舒過盤石流杯。
曲泉別以新味。召道深好客。佐飲終日詠而歸樂。
事也。聞且扶策北顧。努力盡見。喜太冲為言道白。
卷朱顏日遊戲三味好在。

謝杭太守朱曙海

歷門兩散寒暑八周。雖此方外。未忘人間。知舊也。
但民自還山入道。每奉歲一。大布耳。猿狙已無周。

公之友何由仰叩公府昨采藥入靈鷲留宿故人
招隱不在山即在山黃冠豈堪迎阜蓋耶道民干
邦大夫五年絕跡亦五年謝施身既不得袒負於
庭而偃卧承况禮所不出也且道民休糧歲餘矣
所止終日爨清大府都會孔道盡二千石不足食
過賓無勞分實山厨敬謝雅辱鄙陋皇恐

謝錢吏部國維

道已方外獨往文猶用澤畔同憐以同法則集芟
餐共以自法茹芝煑朮耳必借尚食侯鯖賁山中

行厨於出世避世交無當手盡醉還山傴舞入分
夜得小吟登扇以謝故泥蛙新木雞安渡能鳴耶
足下審當池鼓吹當天翰音耶謝庭玉樹成行
二方德星可慶道遊唯一歌一蒲團有遺藤席徒
長物累歸裝聊藉作報不稱為好或未未割故人
幸幸

又謝酒與錢吏部

兩日飲山中當十日醉中山何煩一籌意欲平生
北海牀頭乃空乎道居常是幸池酒不須吏部酒

一笑敬謝

送李薦鄉侯陞

道士將春信，南極老人為孺子。累解舟歸殊
悵惚也。五華先入武夷，幸為道寄訂山靈九曲。黔
頭膏有膏，龍水入耳使星還。過西湖一問片
石沈。或在耶遠憶荔枝香，舌津指動如何

道民則下若方之外，而足下慰藉者方之內。頌
然矣。望乃不了人意也。吾輩杖屨飄然陵萬里，何

朱太復乙集續卷之三六

十八

三百八十九

至穢比膏丘落莫喪氣大都吾等烟霞質耳世眼
物色常不相當所云昨湖上酒船緩頰殊莫莫殆
于不可長春有氣人安能再低眉為乞面皮生法
耶亮之劔首既壯方在逆旅分資斧錢供五合馬
芻可愧是下兩屐既困不如歸犁白雲

贈伯和北上

昨謁足下見治行之艱以才如伯和而四壁如此
季子桐傍有伯子宅高風千古相照重延陵也道
民春平生緩急自許今日缺羸一助知已幾欲愧

免獨飽恨耳久為休糧人異日千鍾萬石不勞分
報劉國用廬居義不受賄今為弟子如壽供齋足
下為道區區必致之

朱太復乙集卷之卅六終

朱太復乙集續卷之卅六

十九

明

朱太復乙集卷之三十七

五湖朱長春太復著

尺牘詩五首

辛丑

谷城原勤石門老翁

雪酒大美昨冬少雪山中寧獨豐豈石門泉所作
耶泉味如雪大佳也翁家梨遂有名不下大谷芳
果清泉道人所須久欲招隱今秋定往啜梨漱流
試清味當誰勝翁意云何夏水壯蘆中舉網得兩

先大滄之集 卷之二 二
一
鮪遣問山中老翁樂飢固高故人情在莫賦豈其
食魚詩二往酬名酒不知酒與鶩孰貴

卷四明廣文陸大

瓊璜藉而生璋特謂玉自貴也齒頰何足重足下
禮謝乎上襄品充天廡寧長飽齋中首指耶廣文
飯不足以脩脯餘餉我辟穀人何也獨黃精服食
要耳更有長可傾橐施清齋惠如百斛米可

與朱君采送石坐

石几四道惡其太文也送置橫塘小山中除夏夜

坐窻空對月可飲人地物三稱也他日道來捉麈
舊主人便為新客石得無有情能作言呼一壺存
我乎嗟嗟為足下石友當賦匪石答之會稽使未
剋耶便有欲寄

答王公子皞如

里有佳公子識名久矣難識面自非龍門庸魚且
不望登况大鯤乎入短至尸居理陰符公子命我
詩詩剗心物也道所禁以吳博士文心亮節期于
塵表又曾覲斗酒樂為歡往來此日破禁勉為博

士耳新知萬里情當有執手道一切謝迎祖有和
不倡六年一行出山不難難沒貴人開罪也中藏
不謂略在詩中幸可一致

謝吳太守元甫揚梅

揚梅期在不忘大熱難頂曲蓋又恐主人嗔襤襪
耳勞分甘耶市上非無佳即顆顆玄珠比山中鮮
芳損矣道日噉二三百今晨一食百四十顆覺五
歲滌除耳目開爽敬報謝城中未罷市山家豈無
勝枝兩日內兩履詣許共飽樹下樹高陰且可卧

避暑欣往欣往

壬寅 詩十三首

與朱君采乞墨

書扇完其一墨汗并上昨示已領行尚未剋耳案
頭古墨是佳品遇乏下潦倒用之似可惜以寶劍
贈士何如亦可為二郎若當鴛籠乎生平絕恥乞
求此猶蘇長公墨癖且以墨犯墨猶文物公案耳
一咲

與丁長孺送瓜

園公無事栽桃種瓜都已成熟敢致山中嘗之桃
自不如方朔不知瓜與東陵何如耳春漫遊今猶
大熱招隱尚俟涼秋小山桂楸芳實當候韓終來
賦采藥

與潘景升

昨洞門遊至佳大勝石屋烟霞便如曾城上行也
非是足下竟不知西湖遺有此靈窟今韻詩夜坐
已成書請政能集數公為此山成一卷冊勝事也
足下吳行已剋行李未入船可箇完此因緣耶詩

序託賈太何道人獲中月鵲火燒有丹無墨足下
能致羅墨數枚為磨凝池一碗汁吸之或使三昧
遊戲也 唉 唉

復潘景升

洞丹完上小施布金不足孤園一尺地書或當酒
家壁上物耶可發人檀悅耳示詩自無失梁武帝
佛筵語曰墨亦佳物茅未有年墨壽須大期如吾
望五才得半耳足下環緝留意文債定不忍逋但
難克足下必欲刻倉卒恐定戒着魔有不肖之心

應之損道業亦無益景升名業

復朱山人

方之外十年矣白駒丹鼎娛隱老耳何聲賈名士
榮言其求之于遐心耶品木鷄以鳴鳳隱豹非其
質也畸人可耳抑畸於人未嘗迹人載酒投桃時
不乏半生帳中數卷書籍未沾兩履常懸候天下
士誠攬勝清茗無意叢桂哉既以先三都渠不如
一介不者吾且當物色

寄建州太守朱偕之

道人遺世世無道道人西江升斗水不至乃南越
分二千石能山中無古道不斬賢者綴不絕耳休
糧早晚雨須果蘇然何能千里外嘗海上珍古白
暴窳煎葑經三變此羅文白肪宛然便已縮地武
夷到楓亭樹下醉玉液也謝謝季子兩書來具太
守玉袴之理囊被之標以不自弄藻而靡靡歲計
有餘此賢于次公上矣欣烈可言不獨為吾友為
天下未潦倒盡耳丘壑人不忍侈談賢者唯明德
自愛為加一餐是幸

寄錢用南廬江太守

二千石分祿望舉火自長者事乃以及休糧道人
茂松不乏清爨常俸此當充何用道戒服食煉毒
丹砂亦不須質今年田收儉糶便付婦子醜酒十
斛資日飲太守賜耳空同姑射吾所山仰足下何
遽問鼎湖胡髯耶雖旦暮百年猶欣曰日對三光
登天那如駐山天若可上地下那得人足下不聞
耶大道至夷人自好徑四方遊士履集多浮慕一
問下風輒不復來吾行非富貴脩又作苦頭陀鉢

之也大勇者少吾道無助足下有期結伴時念吹
笙何堪陵雲想

復嘉定李公于求文

為學日益為道日損故吾本無足稱憾除盡矣高
才何以見拔又何以見命筆硯手債却謝五年心
知尊公先民之譽無能發一語揚美奈何跌西子
而綆汲作使數月可畏如鳩盤荼况其東隣之家
乎幸唯道諒尊儀當完一拜布被道人於粗素宜
改耳敬謝

復茅薦鄉

道舍不通家人卧一黃頭兒子右房宿一白衣鶴
垣外如此經年猶覺人雙雀隻足下為羽客遣配
來大善在陰子和兩兩相侶足老矣奚必三公好
爵哉當歌一行為鶴謝主長春醉酣太史公二三
十年妄謂旦暮一班壯時雄心忼慷亦常有意史
事非竊取當代則筆削東漢以下刪定之如太史
公叙次三五以下妄言不多十板五可也尋病阻
今垂衰為道矣有薦鄉任之何必自為政欲附一

言品論史法見積志并發揮足下盛業有命何辭
當次就之大業便可至唐宋終三大統成一大事
勉就無中道至幸

謝邑陳明府

仲舉之官未及政引車問士此古賢之曠致亦其
人誠有取焉民春何人品望鮮劣敢當此數是明
府之畫龍不如燕臺之市駿也久寄西湖家僮奉
至華楮不覺皇汗愚情已脩聞案下山中久賦無
衣治臺穆嚴終不敢以黃冠見敬北面設几三稽

望謝退疏短劄屬兒輩詣庭請臯懷知抱關但有
震懼

與王弓若明府送饒

昨年對明府知廩陳不給歲兩月五斗故難拂菜
蕪之塵耶二十年舊吏六年又休糧矣義宜以口
食望貧交蓄心久久今往新熟白粳八斛致即君
明府知為節堅故人幸非蹠樹可徵免怒麥雜乎
謝朱偕之太守饒果

相知過從談談甚驩已何用杯酒為慙慙致饒異

珍手曰問甓蔬不備慢客往往是則柰何然自此
不便數數鄭莊驛也朱旅海上奇物目所未得見
安必噉噉然後津津挹名酒獨酌對秋月不謝胡
牀興矣

後顧侍御徵詩

山中方外自絕蓋十年許大人達觀賞苛責耶領
翰徵辭道人以鼎易研久矣函中但有烟霞癖已
無雲漢章如何塞首長者意難違姑函一札當求
我于枯魚

癸卯

詩十八首

謝辭糧道汪祭藩汝立年兄

春十餘年空谷竄匿不與冠帶之交固不敢承冠帶之錫積愚必徹玄聽矣深注荃下角弓之義寧忍自外臣一君二理難辭於討兵謹百稽顙三得及臺下寬政感倍授餐

復蒲徽後

旅蘆釣榻下忍得與魚如故人在懷袖素河魚腹中只欠西塘奇耶不衣不食人須世世少帝經

月不用一錢領官奉為兩孺子買書課之耳道第
辟穀五歲長齋歲半比斷烟火百二十日矣啓慶
酬接談對還如三十許時以此逍遙無何自尔天
遊固不假趣山水間也仁兄聊以大隱避金馬待
功成萬戶侯來從道人尋金華松子耶七八年溝
壑小廉今特為故人破此豁刻慙負慙負

溪茅薦恨

餐英論心不覺為故人一醉獨立門前樹下聽御
史烏夜央始入舟此興無一人知者主人豈有夢

陪濠上問耶菊酒大益上宅可多釀歲分餘瀝餉
道人勝平原十日遠甚

復黃憲副抑庵門人

長春於道未及杓人耆德名位下而問盲固不敢
承也區區私誠以秘密為隘非是有得尺寸不忍
固隱抑天將藉明公為鳴鏑耶別歲餘證脩何似
大都精進彌劬彌康詢之使介差足慰懷昨片石
居遭旅之三狼狽晨還故難相關仲秋復有樂正
不庭之戚遂禁足三百日也第五賊無傷一室逍

遙寢卧亡何覺居然五嶽十城之遊致足樂耳安
所西湖南北峰想耶長齋已十四月比斷烟火復
是月餘經日無所嗽起居亦不減不識是進是何
究竟聞高道人百二十歲公家養之日三舖恨不
得一見與楊權初陽臺居成甚欣來可下榻也

答王予鑑明府

翔齋不敢自餉潘儀部以留足下謂王喬仙今不
求我以世迴船竟阻與盡詎尔未了世耶我輩中
淵懿簡靜無先予若蓋道器也昔者文友今為法

三ノ行乙集 片 天二二一
一
侶黃房丹灶具在旦夕可相待獨患數年中空言
者不少何其不增一口責耶是下盟心則可耳道
味遠頌甚善日一晨啜啜棗數顆乳二杯便過政
無須多

謝張君綸

郊去市十里平日山中懷故歌怒如舌微兩意然
兩負之天乎人相與有緣三十餘年契分分兩截
大足念耳老婦常夜道宿昔常謂十年不為張伯
公一洗杓今復負何藉手果較請關其軀私故可

懷也婦尚如此老夫那堪

復朱孝廉西化門生

昨往一山齋小餉耳投木報琚何堪請與犬約道
不血食矣相知念我作鄭莊筮器問可也庭實筐
篚世中富貴家還往吾道中自合謝之

謝丁長孺

政未有紫氣前牛車行可有則尹真人慧眼安遺
者猶與用南作陽羨秋期不謂不庭之憂負之并
負長孺山中桂耳旦除徑侯更拉君采同舟可半

日談談雅集甚欣道淨齋半歲矣虛俊味餽我如
慮田家菜甲棘喉致行厨代庖乎大善即婦烹和
以供

謝王弓若

乳鹿再來追念古歡依依昔為社客今為檀主應
受無量功德也及下果出世從吾遊請昔為社長
今作座首何如道遊汗漫無期為謝五峰候吾乘
興龍井茶法相僧所遺真者并秋石附報

送丁長孺

道舍止殺其草蔬以奉客則同臭耳無如介送捉
臯恩不鮮何廢實於鼎不廢陳於苞謹輸無腆告
補發牢不當賓供聊解白飯之嘲

送張樞南

雪後溪上便得槎頭因想膾鯉張仲造馳上形炭
熾洪爐藝鬱白烹金羹與嫂氏細飲分甘足念故
人情在乎此亦人間真樂也休糧斷肉世外者付
之昧夢矣要此日單衣夾被尸居環堵清爨無烟
亦別自消受

寄廬州錢太守用甫年兄

廬江右佳郡也以處大賢是淪雞函牛之鼎吾兄
坐嘯之餘曾可習衛生之經乎道弟辟穀四歲今
長齋三月斷去葷酒矣周妻何由庶稱無累此向
後可超三塗乎有舒人過得知仁兄惠錄故吏大
感謝并知太守方選士有一二門士曾面疏其名
大國多務意或忘之耶道弟無私不能無情薦賢
自美事旁招亦善政也何忍無言曹丘之過或可
相照免矣造問即君云上宅無便故敢疏列馳寄

幸函意

謝守道使君劉年兄楙學

弟春非止播臣已為道民放遊方外於今八年衣冠徂裂公府跡掃固知二天借寇無由曳裾仰披青天也仁臺索之形內寬之度外感已倍萬又下念古歡鄭重而賚予之猶有白心豈不懷依忍為豁刻但頻年固愚已冒罪諸臺銜息而異節則無辭於討貳謹百稽謝反使者明臺觀火在宥萬幸萬罪

答沈叔敷

年來數有過賓傳足下推轂畏壘也拘之人甚慙
抑有願云言之不如行之知之亦允蹈之此在足
下護法肩道大幸民時時朋從思矣來書復云云
要操刀不割何貴鑊鄒我日中不須臾也可念道
與錢光祿舉同歲偕同舍生平如此知己已亡幾即
君五歲前一見奇之面以快壻相期光祿第嘆無
言歸待歲餘不相聞則沈青浦仲禎四遺書請采
無藉口以謝又以交藉之同重患難之交許之

矣教至大驚大愧悔恨奈何要天也道無福小息
亦無福耳曩倘略知禪丈一諾忍負之有如日

送程

笑目山中客遺玉面程半具云是異物未知休餐
若身復漸由也生固未嘗然指不後動矣憶臭味
編如思下今轉還要亦與食家饋中笑為遊取哉
無貳素何

上何明府

十年方之外民也不敢見為教言慶際君侯里選

身于身躬行不自量不肯按故教迫于澤伏計樂
貴君侯美政也推恩君侯惠心也言出手衷聽裁
乎中人固自致余必君侯塞竇衡以政亦無怒言
者矣獨苛一道民如怒心置人腹定無遺言者又
且獨難一道民昧罪脩例疏請不敢侈亦不敢冒
上以承政聽指唯明公洞觀略之無交諫之無已
大幸

卷潘景升

隱谿只有居士道者齋食性課耳奈何以例上客

名士乎慢極欲以詩謝主人愛定輒不喜呶嗷聲
佳什遂先之愧愧別一年詩乃進一代進爾爾當
不可量千秋事勉之吾乃弛擔得反樸乎嚶嚶數
聽為佳且除以候

卷吳門陸爾厚上舍

隱谿不下榻五年間復如之佳顏得如故不將入
吳門兩日政念言使至矣大欣道六年單衣四年
休糧今四月斷酒肉矣惠我袂衣華無用之物物
不能嘗頌姻友廣足下仁獨松實黃柑宜也飲秋

露壓之道方大益謝謝夜寄歌酬遠憶并問故鶴
晨容使已銘瘞慨然改句呈攬上九靈嚴采菊或
可至

甲辰 計四首

謝故障熊明府壇石

道民浮游一小青雀耳寧當君侯用青牛物色乎
初為山中入今成方外客十年無衣隨身財一僧
衲君侯治城道又治民也世法未盡寧可以布衣
見不可緇衣見止為下人觀望着笑既不承謁敢

復承貶固陋自絕有年矣明府長者必寬政形外
皇棟待罪

與費元徵

山中十年不謁長安客似難格故人會故嘗傷
堅卧天固不欲破此山中約耶念貴人此自庭實
百旅方厭臨五牢何能嘗商山芝不揆草野上藥
陳二斛歸田治耕所得耳足下六年飽太倉玉粒
試此田家味以何似

問湯七敬先

問家第知足下未有起色大念白朮膏大佳益人
今歲風木勝土霖雨生濕足下素患濕當製服土
安木不能乘氣血壯風搖不治自去方開後此道
人斟酌餌法所定也身試之矣廩未新熟送五斗
作糜時食安卧養神為上

白朮一觔

苗香川椒五錢同煎取出

牛膝半觔

茯苓四兩牡丹皮三兩

以上末

今加秦艸四兩

胡麻六兩煎

虎骨三兩末

川芎二兩慶生地黃

六兩煎

問張樞南孝廉

昨家弟言始知足下久患其風瘦殊耿耿聞患游
風腫今歲木剋土土虛濕風淫侵之脾主肉腫為
濕當服白朮膏加行風水正氣自固邪氣自消吳
醫大誤人此方有益無損可試之足下素清弱可
加意自愛為慰方錄後

白朮一觔牛膝半觔

二味煎

茯苓四兩丹皮四

兩以上原方加蜜一斤今加胡麻六兩煎秦艽

四兩以下末五加皮三兩薏苡仁五兩患止

第六卷乙集
不用加服如前方唯胡麻宜用

乙巳計八首

與君采

君家小謝以數月菜蕪一夕魚釜都毀疾感天刑
酷在不弔今焚糶無家寄人宇下凡在同恤憐甚
剥牀况吾仁兄義任有聲又以色變之虎當急難
之鳥匍匐之救痛可知也自非饒財恨不如嘉賓
為人作室又不能如齊桓問財之遺虛媿永歎如
何空有邪西故居讓且棲遲已狼藉不堪聞足下

首義鳩釀社助卜居道弟從來孤拙今日特為破
戒告仁兄義名滿江南兩事便當任之如存三凶
彼在隣此同室也徵盟赴義誰敢不應吾言為煩
耳

致門生朱兩化明府

方春暘恒火政不戢乘令虐燎乃灾貧吏一空菜
蕪之塵釜焚惑失明屏翳不反此天之不信也一
朝八口盡賦無衣憂當柰何凡在同愾心切焦爛
敬致家織素紬六聊備室中縫人之相襦乎灾補

匱恤同盟古之義也出自婦妾織勞手業非煩外
市道經歲不製衣虛軸頭無用豈敢服周人織
生計共之良友無謂汙壑古人行之君家御史君
采十年前亦納之矣與子同袍詩不云乎

又致朱兩化

十年往事不腆文羅公袍一襲
嗔問君家御史古交二難分
略相當所致亦略相當道人平等心
亦不敢不相當足下乃引斷布之
庶拒我耶回家
婦機杼不得精可業乃於陵辟
纁恐不至以跣汙

只下義足下義即高似亦不當以我示不汗相與
那得無情那使人情大媿不安敢固以上俟菜蕪
後命永好

朱太復乙集卷之三十七終

朱太復乙集卷之三十八

五湖朱長春太復著

尺牘

乙巳

復沈伯和

大兒十三開講三歲不能破一題野心如誕馬余
無師暑日日自課講苦人小兒六歲初上學頗馴
聽教無奈善病吾為此兩口絆足吾不得不盡吾
責陶公云有子賢與愚何須挂懷抱吾亦聽天耳

與辰州太守吳元甫年兄

知兄近况不佳世情炙手唾面尔尔以戴晋人哄
之何如弟不嗜茶客有遺茗曰精品未嘗試暑尚
未退奉作清啜并鮮梨二十枚消梨消也可解陰
陽之熱未當金掌露尔勝獨漉泥三白泉酒是陳
者并徃天下事付之中聖人可事無令胸中壘壘

送虞長孺致米

大石阿晤歸會三年故腰傷發便循道兄補三關
之教卧病掩扉三百日餘三月創復六月元復今

躬坐羣比謀乎又百二十日也授向開講披讀著
文常幾夜分所云學學半耶上冬開血味元旦來
一變一果一蔬不茹日一溢糜耳足下精進是何
地何狀方青黃再致陳鑿六斛英即就傅何似吾
家奴才不向上甚勞人李君無恙身中年一變易
休糧亦須有消息進退幸善調齋公無奉往三白
酒一包芥茗一箋

送臧敬伯光祿

釋之長卿名業文章都西黃郎起足下知才詘就

無觚望丈夫亦試騎馬長安道賦帝京自壯何能
兀兀白首抱一經牖下乎敬吟一篇為社兄解嘲
自慰掩關垂一年莫觚為同席伯兄一行執手殊
悵然上歲水口故遊對故人言燕感人懷有詩并
寫寄尚有長歌未及書練耳薄將希留意

與錢惟癡

山中久有足音想况罄效臨之如長齋薇藿無乃
肉食大娣吐哺何菰蘆中一望漁父與隣高人叶
卜不敢當交讓直是分燭耳日來曾得佳氣不吾

廬左湖口山大僻前後見玉湖不谿往年薦却村
卜築脩隱窟境殊幽清多徐主簿業其子不守易
得也有意須駕自相洛

丙午

與王文學四達

曾馳數言問豪士壯氣尚未知大遺才狼狽狀也
都緣曰下薄命高才生天一網困之獨當事兩公
那便姜蕤尔尔屈五百人快一怒無情至此天下
意將不靖乎古來激變多如此上憑勢一以厭衆

及衆恣睢無上矣今獨知足下何自可一咲

答尤生仲弢

問遺遠來意厚酪大佳齋公所不斷獨毋牛一點
白血固世尊西律所不戒也他肉味絕口二年矣
鳧鰕付婦饋中飫兒童耶刻山中游游直遊戲事
殊不急措意忽忽計殺青須桃華時謝足下念春
下帷何許來書知僕雅期獨不當自期耶後生長
年強半去矣白日撫壯那不引錐幸知故人言至

答張四五老綸樞南

若翁即吾翁二難何不早命我文命遽書命更遽
視成致期率若大懼矣十年焚硯道人以世誼之
敷方長至操刀之戰兩日頽首卧不起補創善刀
之難今又關日欲呵凍作千五百字拮据不辦柰
何奈何迫矣明恐悞乃公事敢先告罪幸悉區區
稷之馬不堪

又致張君綸

人各欲自盡亦各欲相成伯兄柰何獨為君子不
容我為人乎積心久矣不敢昧其初幸苗一念且

求好而不獲成是被醜也姑試而不終是兒戲也
春亦尚行立節人醜與戲之名必不敢承夜與家
弟談縷縷當然且僕所欲信者義大兄所欲明者
利兩者將何處我十反必不已

送許公子廊如

閉關養創且五六百日了不知尊公先正祠堂之
後此亦見盛德食報人心不泯吾道之慶豈任一
人以二十載道義之成忘年之交方薦典刑之痛
敢後畏壘之祝謹奉營資三兩聊供鳩值貧愧消

涯情注寸草必無濟怒俾守美塲

與茅薦鄉

掩關養創忽便且三百日靜中得完是下文逋一
諾宿幾二年下仲氏五百等矣史大文足下刪史
大業故須大言發之不覺言侈抑雅有史癖半生
積念不得了借此吐結足下大斤削定之即舍無
事長安市關中大好脩仁兄醒目有悟不養心莫
若寡事天莫若畜內根外境世味只爾爾年過半
百自知自愛他人何處着一力道獨坐久年來五

歲另一境象一菓一齋一蔬一味不入口一武不
涉戶永日開講課兒恬如耳如此窮年老莊生逍
遙也

問朱君采

江南遷客斤斤免枯槁耳梁上重勞君子入室得
無鞅鞅缺望乎聞所挈飲器數種一旦使竹林無
色用何物集我輩坐橫塘酬對蓮華耶諸在社客
義所同仇謹遣問日下可得還王家舊物否楚人
天之得之此於足下自了了吾獨愛吾飲耳

與朱偕之送鱖

春日載陽况何似江上客致我鱖魚俊味也不知
製法善不齋道人福薄不能嘗臭味唯仁兄送佐
雙柑試之三年閉關人對湖上芳遊想入謝家兄
弟東山茅有浩歎

復張白陽明府軋伯

道人未成仙乃有乞言以壽乎無玉箱丸金檢冊
上壽阿母又青雀不能邀白鶴不能駕矯首清源
莫侍羣真之會又何以空談當上元寶籙也承命

財草就迫不及登冊軸他儀聊副願公子附致伴觴

復茅薦婦

行河已告玄圭書猶云新舊胼胝耶黃河地脉關天下大運此憂不獨一方其魚也今竟不知形勢如何治得何榮耶天地固勞人以生勞亦何遽能損人習勞者不知勞勞復是佚河使者河乃吾事荒度四載視如饑食渴飲桔槔日亦如常耳倘云是煉形持氣之道乎得聞四大日善殊慰遠心方

惟業許我矣不知何復忽忽東燕遽也庭主通家
捫心如負半歲交臂殊驪攻玉之效絕少方徂暑
政期理帳中書又作此差池乎高士道氣之真不
同恒品屬言在耳重趼難忘私意古人寄爨都養
誠不辭一體之勤損以終博成四海之名故曰困
德之辨也懷與安實敗名艱苦中動忍增益天之
有德于人哉在善領之耳附此助過庭一問

以下道言

約茅薦鄉

道伴有助發書甚欣越落循環執天之行境復非
境幻復非幻足下守以無智無得甚弗生喜喜復
是妄不神乃神神故不神也欲相證至佳今日過
東遷明日得中此報

寄茅薦卿

朱直指書已寄免憂浮沉過松陵主

峯兒生時名

者于兒出痘因泊閭門甚平善乃真吾子矣姑蘇
子復腹中有竒得熊再得憲可閉關稱道人養吾
嬰也足下機如何雙珠在掌當早為象因計他日

智索不得乃憂耳前境乃正下看氣盛故用師見
兵氣非是玄理欲薦鄉進之希夷吾師云綿綿若
存若存無存也

復黃葵陽座師

冬中擬望絳帳會室人病見阻負牆請業計在春
明或得附湖上清泛也下詢玄業何師方士恠迂
善眩人悞即見殺弟子獨心口自證覺耳除符道
德仙經宗祖至易至簡旁岐外道弟可問也次兄
清恙詢使者多屬水不勝火道在逆成火不下水

不升養火先須習禪五蘊空而後一陽復未可倉卒習道耳知死不死無生有生此當日念自是日益行人急歸急遽不次伏在道諒

送錢惟凝光祿

日領書憂存存不一此操舍關自分動靜耶克功在動處靜難耳經曰常應常靜常清靜矣是云行持持之于動及其靜也一凝會而得矣吾道入室前涉世時多用此法昨會客談道業客云錢光祿精心熟行自世中碩儒名大夫夫於道途庭乎春

曰精善入懃善持世中世外無二道孔老與化為
人得之矣事在知解者一反耳無躒無輟過弗悔
當不得足下寧神以攝之鎮之御者舟師可法也
風雨如晦不已奈何大夫如何念之常使山中人
安茹芝則福矣

復王師子由先生

凡人報器不同功力亦異下手後証驗如何隨酌
消息進退動靜自元神默調之耳先生清心體會
當自了了第一在動中取靜保守如如法在寧神

歛息微乎幾乎無使縱逸則不可收矣坐在立亡
在得功人為驗于行功人大病先生慎持之若別
有曲折則須對症下藥耳糞本之思敢不盡懷要
其得力言無所用

復朱孝廉門生雨化

四時行百物生故道時為大先天天也後天人也
足下已知天盡人無難者要以致虛守靜乃歸根
復命之母既知其母復知其子始末固當然耶足
下今日政無庸大靜時於動處得靜合一練之方

玄同耳乃可坐進詳言

送潘去非祠部

曩腰傷失治節小寒水令也大發伏牀一月故期
還往言言教教坐竟掃迹忽使星北矣負如何足
下品器名業所自有山中無所贈足下抑記初招
隱前席葆真之說乎精與神實生人精水也不雜
則清莫動則平神火也不戢則焚經曰治人莫若
畜不進寸而退尺退則歸根是靜復命之道也精
可以治身緒餘治天下不相妨足下受之乎久廢

賸餞以此當拱壁耳外道味鹿膠天門冬膏二種
合既濟卦理幸苗之春分後服門冬秋分後服鹿
膠

與沈叔敷

擬挾琴創新復尚須先往李報謝一夕白飯青荔
之關溪船乘興計待涼風耶夏至三伏候在陰符
小至陰陽爭死生分古君子齋戒定心氣靜事成
晏陰老子曰躁勝寒靜勝熱此天行道術也是下
能循之乎事在月令加之以虛天虛而後地靜故

乾坤相為用經曰人法地地法天天法道僕嘗教
人先以坤初六林鐘降心利牝馬畜牝牛為始故
無天地之始也南方之離也政用此候同志幸留
意

致吳太守

長春休糧來又長齋年餘斷烟火月餘矣每晨茹
松子百顆腹日充充此物大益僊倫以遺堯堯不
能服今以告吾丈不必辟穀但旦旦服之小瞑一
餉其用足集通元神蠲除諸惡甚善無難介奉牲

二勛試之何如衛生延年政吾輩山中人勾當樂事知長春不作少君誕也

荅楚魏宸文學門生

日送羲皇上人遙與足下同遊何庸必尋我畏壘
間往小物率然鼻俗了無意君索之空華乎唐肆
耶解脫示隱禪為幻小技耳道空空洞洞曰何思
何慮僕作如是觀非道足下作如是想復非道期
相與遊之大塗無門無皇乃有岐乎我秋更大熱
須涼清言還往無期訂日為贅御風遊道遙可

好佳

致茅薦鄉

松仁二觔真甘州枸杞一觔又北梨五個重五觔
燕馬函一所遺餉辟穀道人者敢奉分甘大藥不
易得服食亦自要事幸試之足下期我山行遲不
至忘之耶時卦在復有復則有元故病愈曰復元
人終歲之勞一月之復陽所以生也閉關畜神簡
出省務此無秘術至易耳足下留意老可復壯菊
酒大佳益宅上宜多釀明年惠我一二尊甚善獨

鶴對孤客悽然日許配之有便可致乎甘菊花遺
數兩亦得吳中藥市絕無耳

復道者上辟穀方

所示黃石公誰當傳其方大都難信道辟穀五年
餘殊非藥物大道自然足下無以方求

與虞長孺送米

聞道兄歲乏三月米道弟休糧歲可餘三石古不
忍獨飽弟且無須分甘授餐推食我義當足下足
下亦義當受我往言潘司空家粒徑寸我廩亦三

春想可作白粥。遊行丹藥也。補三關教大善。自三尸出五內如蠶。二年長齋。一年止爨。新復火食。肉食政為此耳。虛無道法本來自然。故同有無。指此。外道或是着境語。道兄一生深功。恐犯此二字。未了。幸思狂擇。

與嚴範卿比部

同道垂數年。勝次言不多。殊悵倉卒。月初有室人之灾。量藥事急。不得脫。雖曰出家。未能斬俗念。宿諾如何。是下道韻。至高世。營尚牽方外之約。彼一

朱太僕乙集 卷之三十一
時此一時也第恐腦海欲空太一惡守冉冉焦頭
救焚不給柰何念之藥二種可服食附往

寄茅薦鄉水衡

都中甘州枸杞海松子寄一二勛服食政須不敢
索潤筆道人索此潤心耳大守嚴範鄉客夫善士
也可酸鼻三年前會西湖片石居旦夕前席訪道
弟力勸成言如公骨相政當大勇猛養生早回頭
人命都在一息中畏途可避苦海難回足發慨世
吾等當猛省昨別時語兄顏少衰曰時也五十始

衰耳衰不可救其尾而救其始一聽于時無貴人
回天乎則海上病夫朽父矣諸郎佳慰願聞長公
業何如吾大頑不嗜進十三童心慵如此累人如
何下長孺二至九大寒損人勿作常服已餌白朮
膏晡進胡麻丸道方曰靜神丸也大益試之天門
冬亦非恒藥本草曰虛寒人禁服五十來真陽微
矣肯信不

與朱孝廉正邦門生

行谿上漁父網得鮮鯽落落可愛買得八頭副小

朱大德乙集 附卷之三十一
品獻鮮匪報也律交黃鍾卦交渡歸根曰靜靜曰
復命天地萬物不能外焉如農儲穀一歲之生也
未入道者每於二至盡月令君子齋戒理亦自足
葆真還元制形盡壽此無難耳諸同志留意所云
不見其益有時而長也便可傳令季共之戒殺亦
生生首事并以勸備

與沈叔敷

夏至午後候入陰符離之陰反下而符合于陽其
道主靜其氣自外而入上而下故服氣為時正功

服即伏也三庚之伏取金為肺主氣金居火上炎
燭上赫土焦石爍精流氣散立伏以葆金古人伏
日閉室齋脩漢志曰伏日萬鬼俱行政重此耳方
念此理異坐進日初中末三候行無間大益也武
夷茶弼几席小引意

朱太復乙集卷之二十終